



**TANGGUNGJAWAB SOSIAL
KORPORAT
(CSR)**

**LEMBAGA HASIL DALAM NEGERI
MALAYSIA
(LHDNM)**

ISI KANDUNGAN

- 1.0 **PERNYATAAN TANGGUNGJAWAB SOSIAL KORPORAT (CSR) LEMBAGA HASIL DALAM NEGERI MALAYSIA (LHDNM)**

- 2.0 **PIHAK BERKEPENTINGAN (*STAKEHOLDER*)**
 - 2.1 Dalaman
 - 2.2 Luaran


- 3.0 **PENDIDIKAN**

- 4.0 **ALAM SEKITAR**

- 5.0 **KOMUNITI**

1.0 PERNYATAAN TANGGUNGJAWAB SOSIAL KORPORAT (CSR) LEMBAGA HASIL DALAM NEGERI MALAYSIA (LHDNM)

Lembaga Hasil Dalam Negeri Malaysia menjalankan aktiviti Tanggungjawab Sosial Korporat (CSR) dan bersedia menyokong Kerajaan dalam menjayakan program untuk kesejahteraan rakyat. Program CSR adalah bertujuan meningkatkan imej dan reputasi LHDNM, ia juga memberi manfaat pada kesejahteraan serta kepentingan masyarakat dan organisasi. Pelaksanaan program CSR juga diperluaskan ke peringkat negeri dan cawangan LHDNM seluruh negara untuk memberi manfaat kepada penduduk tempatan. Jabatan Khidmat Korporat merupakan sebuah jabatan yang telah dipertanggungjawabkan bagi melaksana semua aktiviti-aktiviti CSR LHDNM berdasarkan dimensi berikut :



2.0 PIHAK BERKEPENTINGAN (STAKEHOLDERS)

2.1 Dalaman (Hasilian)

2.1.1 Minggu Sihat Hasil

Program ini telah dijayakan bagi memberi kesedaran kepada Hasilian berhubung cara hidup sihat dan menjaga kesihatan. Pemeriksaan kesihatan percuma, ceramah kesihatan dan pameran kesihatan telah diadakan. Minggu sihat Hasil ini akan dijalankan pada setiap minggu pertama bulan Jun pada setiap tahun.

Disamping itu, Unit CSR, Bahagian Komunikasi Korporat juga telah melantik **Skuad Sihat Hasil** di semua cawangan LHDNM untuk menjalankan aktiviti kesihatan di cawangan-cawangan supaya program kesihatan Hasil dapat dibuat secara menyeluruh tidak tertumpu di Ibu Pejabat LHDNM sahaja.

2.1.2 Walk-Hunt 2013

Bersempena Minggu Kesihatan HASiL 2013 pada 4 – 6 Jun 2013, satu Program Walk For Life & Hunt For Fun telah diadakan pada 29 Mei 2013 (Rabu) bermula jam 8:30 pagi. Program ini melibatkan penyertaan daripada peserta di Ibu Pejabat, Cyberjaya dan sekitar Lembah Kelang.

2.2 Luaran (Pembayar Cukai)

Perkhidmatan 'extra miles' dengan menyediakan telefon bimbit yang dibekalkan kepada Community Care Officer (CCO) LHDNM bagi memudahkan pembayar cukai mendapat perkhidmatan terus daripada CCO.

3.0 PENDIDIKAN

3.1 Bengkel Subseksyen 44(6) ACP 1967

Bengkel ini diadakan pada 21 Mei 2013 (Zon Sabah / Sarawak) di Akademi Percukaian Malaysia Kuching, Sarawak dan 20 Jun 2013 (Zon Semenanjung Malaysia) di Menara Hasil Cyberjaya. Bengkel ini dianjurkan khusus untuk memberi pendedahan kepada pengendali Pertubuhan/Persatuan/Yayasan/ Pengetua Sekolah Bantuan Penuh Kerajaan berhubung potongan di bawah subseksyen 44(6), ACP 1967 dan menerangkan dengan lebih terperinci bagaimana pihak Pertubuhan/Persatuan/Yayasan/Pengetua Sekolah Bantuan Penuh Kerajaan boleh memohon potongan derma di bawah subseksyen 44(6), ACP 1967.

3.2 Advance Pricing Arrangement Seminar (APA)

Advance Pricing Arrangement Seminar telah diadakan pada 26 November 2014 di Bilik Mesyuarat Bendahara, Menara Hasil Cyberjaya. Seminar ini diadakan untuk memberi kesedaran kepada syarikat di Malaysia berhubung perkhidmatan yang disediakan oleh Lembaga Hasil Dalam Negeri Malaysia (LHDNM) berkaitan Perjanjian Harga Awal. Seminar ini merupakan program Tanggungjawab Sosial Korporat (CSR) LHDNM untuk pihak berkepentingan (stakeholders).

3.3 Le Tour de Hasil 2013

Le Tour de Hasil (LTdH) merupakan program kayuhan berbasikal oleh Hasilian seluruh Malaysia ke arah kesedaran umum dan merakyatkan Lembaga Hasil Dalam Negeri Malaysia melalui program dan aktiviti anjuran bersama Pejabat CEO, Pejabat Pengarah Negeri dan Majlis Kebajikan Dan Sukan Hasil Dalam Negeri Malaysia (MKSHDNM). LTdH juga merupakan satu program *Outreach and Engagement* melibatkan komuniti di lokasi-lokasi CSR yang terpilih seluruh Malaysia. Di samping itu juga objektif program kayuhan berbasikal ini mampu melahirkan Hasilian yang berdisiplin dan berketrampilan serta menggalakkan Hasilian mengamalkan gaya hidup yang sihat dan berkualiti.

4.0 ALAM SEKITAR

4.1 CSR Marin LHDNM di Pulau Perhentian

Program CSR Marin LHDNM di Pulau Perhentian telah diadakan pada 28 Mei 2013 – 30 Mei 2013 di Pulau Perhentian, Kuala Terengganu. Melaksanakan Program Tanggungjawab Sosial Korporat (CSR) Hidupan Marin bersama Jabatan Taman Laut Malaysia (JTLM) selaras dengan seruan kerajaan di pihak JTLM menerusi Strategi Lautan Biru Kebangsaan dengan membina dan menurunkan sejumlah (36+1) peranti pemuliharaan biodiversiti marin di Teluk Pauh, Pulau Perhentian, dalam usaha mewujudkan kawasan ekosistem hidupan marin baharu disamping menjadikan kawasan ini sebagai tarikan baharu pengunjung pusat aktiviti selaman dan snorkeling atau sebagai Taman Karang LHDNM.

4.2 CSR Marin Sabah 2014

CSR Marin Sabah 2014 telah diadakan pada 11 Januari 2014 di Pulau Manukan, Sabah. LHDNM bekerjasama dengan Sabah Parks dalam kempen pemuliharaan batu karang (*coral reef restoration*) bagi menghasilkan ekosistem batu karang baru melalui pembinaan dan penurunan unit-unit *coral frame* dan *concrete block* di dasar laut Pulau Manukan, Kota Kinabalu, Sabah bagi memudahkan penanaman dan pertumbuhan *coral reef* bagi menggantikan *coral* yang telah rosak.

4.3 Program Kelestarian Alam Hijau 2014

Lembaga Hasil Dalam Negeri Malaysia telah menjalani pelbagai aktiviti Tanggungjawab Sosial Korporat (CSR) bagi menyokong kelestarian alam sekitar seperti CSR Marin di Pulau Perhentian, Terengganu dan Pulau Manukan, Sabah. Sehubungan itu, sokongan terhadap aktiviti kelestarian alam sekitar ini diteruskan dengan menanam pokok di Persekitaran Multimedia, Cyberjaya bagi menyokong usaha kerajaan menjadikan Cyberjaya kepada Bandar Rendah Karbon pada tahun 2025. Aktiviti ini merupakan kolaborasi bersama Setia Haruman Sdn Bhd (SHSB) anak syarikat kepada Emkay Group dengan menyumbang tenaga seramai seratus orang sukarelawan daripada Hasilian dan kos yang dikongsi bersama untuk tujuan tersebut.

5.0 KOMUNITI

5.1 Ihya' Ramdhan

Jabatan Khidmat Korporat (JKK) dengan kerjasama Persatuan Kebajikan Islam Hasil Dalam Negeri Malaysia (PERKIS) telah melaksanakan Majlis Penyampaian Cek Sumbangan Hasilian Serta Sumbangan Duit Raya Kepada Anak Yatim, Orang Kurang Upaya Serta Ibu Tunggal LHDNM bersempena Program Ihya' Ramadan LHDNM 2013 / 1434H.

5.2 Lawatan Sambil Belajar Bersama Anak-Anak Yatim dan Miskin

LHDNM telah membawa anak-anak yatim dan miskin Nur Ikhlas Kundang, Rawang, Selangor membuat Program Tanggungjawab Sosial Korporat (CSR) Lembaga Hasil Dalam Negeri Malaysia (LHDNM) 2013 iaitu mengadakan Lawatan Sambil Belajar Penghuni Pusat Jagaan Anak Yatim & Miskin Sri Kundang dan membawa anak-anak yang sama ke Melaka Bandaraya Bersejarah, serta memberi pendedahan anak-anak tersebut ke tempat-tempat yang menjadi sejarah negara.